

KERAJAAN PIMPINAN DR MAHATHIR SEDIA DENGAR MASALAH RAKYAT-SAN CHOON

KUALA LUMPUR, Rabu — Kerajaan di bawah pimpinan Perdana Menteri, Datuk Seri Dr. Mahathir Mohamad memerlukan semangat dan arah tujuan baru, tegas Presiden MCA, Datuk Lee San Choon hari ini.

Datuk Lee berkata, kerajaan pimpinan Datuk Seri Dr. Mahathir menunjukkan ia berasaskan kepada 'orientasi bertindak' dan sedia mendengar masalah rakyat.

"Perdana Menteri memperkenalkan etika pekerjaan yang baru dengan memberi penekanan terhadap kecekapan dan kejujuran yang akan menyebabkan golongan masyarakat gellisah.

"Harus diingat, apa yang dilakukan adalah dengan kepercayaan luhur. Dengan itu sebuah kerajaan yang bersih, lincin dan berkesan dapat diwujudkan," katanya.

Itulah sebabnya Perdana Menteri tidak bertolak ansur dengan keadaan yang tidak cekap dan pembaziran.

"Kontraversi pelaksanaan awal sistem 3M di sekolah-sekolah rendah Cina baru-baru ini menunjukkan betapa perhatian berat kerajaan di bawah pimpinan beliau.

Beberapa pembetulan sedang dijalankan terhadap pelaksanaan

awal kurikulum baru itu yang menunjukkan satu manifestasi kejujuran beliau.

"Kita hidup dalam satu masyarakat berbagai kaum dimana berbagai perkara sensitif turut sama dalam masyarakat," katanya.

Bellau berharap Perdana Menteri akan mengambil langkah bagi membetulkan pelaksanaan awal sistem itu kerana terdapat bidangbidang yang boleh disalah tafsirkan," jelasnya lagi.

Datuk Lee menyatkan demikian di jamuan malam sempena menyambut perayaan ulangtahun ke 44 Kelab Kebudayaan dan Kesihatan Fei San di sini malam ini.

Bellau juga menggesa semua rakyat Malaysia supaya mengamalkan menggunakan hal-hak mengundi yang betul dalam Pilihanraya Umum akan datang kerana ini akan menentukan masa depan negara.

"Kita semua mahukan perubahan bagi menentukan bahawa kita bina negara kita Malaysia dengan asas yang kukuh. Di bawah pimpinan Perdana Menteri, satu corak Kerajaan yang baru telah muncul.

"Seharusnya saya katakan, perubahan yang berlaku adalah untuk kebaikan," tegas Datuk Lee.